

Onur per il cuschinier engiadinais

■ (anr/gns) Dapi ier è **Reto Mathis**, il **cuschinier da renum da San Murezzan**, da nov commember da la delegaziun svizra da «l'Académie Culinaire de France», in club exclusiv che reunescha l'elita dals cuschiniers da l'entir mund. La Fundaziun, «l'Académie Culinaire de France», ha in'istorgia da 132 onns e da preschent ha ella 900 commembers che derivan da l'entir mund. Al club exclusiv appartegna l'elita da la gastronomia internaziunala, cun ils top schefs-cuschiniers, ils megliers pastiziers, chocolatiers e producents da glatsch. Dapi ier tutga er *Reto Mathis* tar quel club da renum internaziunala. A Martigny è il cuschinier popular da San Murezzan vegnì nominà sco «Membre auditeur» da la delegaziun svizra che fa part da l'academia franzosa. El saja losch dad esser da nov commember da quel club exclusiv e da far part da la delegaziun naziunala che represchenta la Svizra, ha ditg Mathis. La delegaziun svizra s'engascha cunzunt per ina cuschina autentica, per products da qualitat, per la scolaziun e furmaziun e promova era

l'art da cuschinar e lura er la cuschina franzosa. Dapi 20 onns maina Mathis cun success intgins affars gastronomicas a San Murezzan ed in da quels è per exempel il restaurant La Marmite a la Corviglia, in dals tempels da gourmet a San Murezzan. Ultra da quai segna Mathis er per la direcziun da la quattro BAR, in lo-

cal da trend en Engiadina. Sa fatg in num ha el dentant er sco president dals events culinars dal festival da gourmets a San Murezzan e conturn. Savens segna el cun ses cuschiniers er per il catering tar l'occurranza da la Fifa, da la marca d'autos Audi e per il turnier da polo internaziunala a San Murezzan.

